



UNIVERSITÄTS-
BIBLIOTHEK
PADERBORN

Universitätsbibliothek Paderborn

**Confessionale, || In Qvo || Vniversa || Materia De ||
Confessione Pec-||catorvm Apvd Catholicos || vsitata per
Quæstiones explicatur**

Eisengrein, Martin

Ingolstadii, 1577

VD16 E 795

VI. Cùm occulta naturae reuelare, videatur iuri naturae esse contrarium, quomodò Co[n]fessio occultorum peccatorum, tanqua[m] necessaria ad salutem requiratur.

urn:nbn:de:hbz:466:1-30362

*Sintne etiam peccata publica, & ante-
tea nota Sacerdoti, eidem neces-
sario confitenda?* *Quæstio*
V.

Maximè: Licet enim ea publica sint, & Respōsio.
antea Sacerdoti nota, tanquam priuate
personæ; nō tamen tanquam Iudici, & ideo
sunt illi per Confessionem exponenda; præ-
sertim, quòd cū iudicium de rebus sumen-
dum sit è suis causis, necessarium est, vt pœ-
nitens cor suum pandat, vt innotescat, quo
fine & causis illud fecerit.

*Cū occulta naturæ reuelare, videa-
tur iuri naturæ esse contrarium, quo-
modò Confessio occultorum pecca-
torum, tanquam necessaria ad
salutem requiritur?* *Quæstio*
VI.

Cū seipsum diffamare repugnet nature, Respōsio.
nōne etiam Confessio aduersatur na-
turæ legibus? Nequaquam: Etsi enim dif-
famatio sui ipsius contra naturam esse vi-
deatur; non tamen secreta Confessio, quæ
apud Sacerdotem, non tanquam merum ho-
minem, sed vt DEI Vicarium deponitur,
nuncupanda est: Nam peccator sua crimina
illi committit sub sacri sigilli secreto, quæ,
scelus est, promulgare.

Adhæc quī potest cum natura pugnare

E 7 id,

Caput III. De Qualitate

id, quod nobis maximarum opum Diuinorumque beneficiorum occasio est & causa? Siquidem per Confessionem Sacerdotalisq; Absolutionis ministerium, peccatorum condonationem consequimur, gratia perficimur, ac in DEI amicitiam restituimur.

Igitur confiteri occultissima peccata, sub vinculo Diuini sigilli, ad obtinendam veniam à DEO, non est contra ius naturæ, quin natura ad id maximè inclinatur.

Quæstio Cùm David testetur, omnium delictorum enumerationem impossibilem esse, dicens: *Delicta quis intelligit?*

VII.
Psal. 18.

Quomodo à pœnitentibus exigipotest?

Respōsio. Quando præceptum Ecclesiæ, imò & Evangelicum dicitur esse de omnibus peccatis confitendis, intelliguntur mortalia peccata, quæ memoriæ occurrunt, facta diligenti inquisitione. Vnde Propheta dicens, *Delicta quis intelligit?* In genere de delictis loquitur, non de mortalibus; nec significat impossibilitatem, sed difficultatem; nec aduersatur magis Confessioni, quæ fit Sacerdoti, quàm quæ DEO fieri debet. Et si significaret impossibilitatem (nam posset fortassis fieri, vt quis post vitam perditam sine vilo DEI timore multis annis transactam, habere